



Broj:09-20-11-2-3226

Datum:07.02.2023. godine

Na osnovu člana 43. i 45. Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14 i 59/22), i preporuke Komisije za provođenje otvorenih postupaka nabavke u 2023. godini, zamjenik direktora Federalne uprave policije d o n o s i :

ODLUKU

o izboru najpovoljnijeg ponuđača u postupku javne nabavke usluga osiguranja novih motornih vozila

1. Dodjeljuje se Ugovor ponuđaču „Sarajevo-Osiguranje“ d.d. Sarajevo za Javnu nabavku usluga osiguranja novih motornih vozila prema Ponudi broj: 01-381/23 od 24.01.2023. godine sa ukupnom cijenom u iznosu od 4.727,00 KM i rokom isplate štete od (1) jednog dana.
2. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
3. Obavezuje se ponuđač iz tačke 1. ove Odluke da u roku od 5 dana od prijema ove Odluke dostavi dokumenta navedena u Tenderskoj dokumentaciji broj: 09-20-11-2-3226 od 30.12.2022. godine
4. Ova odluka objavit će se na web stranici Federalne uprave policije www.fup.gov.ba u skladu sa članom 70. Stav (6) Zakona o javnim nabavkama ("Službeni glasnik BiH", broj: 39/14 i 59/22).
5. Za izvršenje Odluke zadužuje se Sektor za materijalno-finansijske poslove.

OBRAZLOŽENJE

Komisija za provođenje otvorenih postupaka nabavke za 2023. godinu, imenovana Rješenjem zamjenika direktora Federalne uprave policije broj: 09-19/1-30-2-26 od 04.01.2023. godine provela je otvoreni postupak Javne nabavke usluga osiguranja novih motornih vozila po Obavještenju o javnoj nabavci broj: 1412-1-2-5-3-3/23 objavljeno u "Službenom glasniku BiH" broj: 3/23, dana 13.01.2023. godine, u kojem postupku je utvrdila da je ugovorni organ u predviđenom roku za dostavljanje ponuda zaprimio ukupno tri (3) ponude, i to:

- a) Ponudu ponuđača „Sarajevo-osiguranje“ d.d. Sarajevo broj: 01-381/23 od 24.01.2023. godine sa ukupnom cijenom ponude u iznosu od 4.727,00 KM i rokom isplate štete od (1) jednog dana,
- b) Ponudu ponuđača „Adriatic osiguranje“ d.d. Sarajevo broj: 06/23 od 23.01.2023.godine sa ukupnom cijenom ponude u iznosu od 6.023,25 KM i rokom isplate štete od (1) jednog dana, i:

- c) Ponudu ponuđača Osiguranje Aura"a.d. Banja Luka broj: T-10/23 od 26.01.2023.godine sa ukupnom cijenom ponude u iznosu od 6.959,75 KM i rokom isplate štete od (1) jednog dana.

Ukupne cijene ponuda naprijed pobrojanih ponuđača su niže od procjenjene vrijednosti nabavke određene Odlukom o pokretanju postupka javne nabavke osiguranja novih motornih vozila broj: 09-20-11-2-3226 od 30.12.2022. godine koja iznosi 7.124,00 KM.

Komisija je utvrdila da su navedene ponude ponuđača „Sarajevo-osiguranje“ d.d. Sarajevo, „Adriatic osiguranje“ d.d. Sarajevo i Osiguranje Aura"a.d. Banja Luka za Javnu nabavku usluga osiguranja novih motornih vozila ispravne i sačinjene u skladu sa tenderskom dokumentacijom, te kao takve za ugovorni organ prihvatljive, s tim da je u odnosu na ponudu prvorangiranog ponuđača „Sarajevo-osiguranje“ d.d. Sarajevo uočena neprirodno niska cijena koja iznosi 4.727,00 KM, a koja je za više od 20% niža od drugorangirane prihvatljive ponude tj. ponude ponuđača „Adriatic osiguranje“ d.d. Sarajevo, čija ukupna cijena ponude iznosi 6.023,25 KM.

U vezi sa navedenim, Komisija je aktom broj: 09-20-11-3226 od 02.02.2023.godine, shodno članu 66. ZJN, zatražila da ponuđač „Sarajevo-osiguranje“ d.d. Sarajevo pismeno obrazloži ponuđenu cijenu, nakon čega je Komisija zaprimila akt – obrazloženje/pojašnjenje ponuđene cijene „Sarajevo-osiguranje“ d.d. Sarajevo broj: 01-381-1/23 od 03.02.2023. godine koje je za ugovorni organ prihvatljivo.

Komisija je utvrdila da je ponuda ponuđača „Sarajevo-osiguranje“ d.d. Sarajevo za Javnu nabavku usluga osiguranja novih motornih vozila sa ukupnom cijenom u iznosu od 4.727,00 KM i rokom isplate štete od jednog (1) dana, uz primjenu kriterija ekonomski najpovoljnija ponuda, za ugovorni organ prihvatljiva te u skladu sa članom 70., Zakona o javnim nabavkama Bosne i Hercegovine, predložila donošenje Odluke o izboru najpovoljnijeg ponuđača za pravno lice „Sarajevo-osiguranje“ d.d. Sarajevo za nabavku usluga osiguranja novih motornih vozila, što je konstatovano Zapisnikom o pregledu i ocjeni ponuda od 02.02. i 07.02. 2023. godine.

Razmatrajući prijedlog Komisije, zamjenik direktora donosi Odluku kao u dispozitivu.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.


**ZAMJENIK DIREKTORA
GENERALNI INSPEKTOR POLICIJE**
Ensad Korman

Dostaviti:

- Sektor za mat. fin. poslove
- ponuđačima
- u spis